

旌表義門陳氏詩

崇子袞與端子襄新建義門書屋於東佳山

居近東佳對白雲義風深可勸人倫兒曹盡得詩書
力門巷偏多車馬塵樓上落霞粘筆硯池邊怪石閒
松筠鄉村豈獨民遷善堦砌無聞犬亦馴朱實垂庭
沙橘熟清香襲座藥畦春他年好卜爲鄰住悔茸吾
廬落水濱

宋集賢院學士同知樞密院事新安錢若水題
旌表同宗渙水鄉四時煙景似滄浪潯陽霽態連莎
砌廬嶽清陰覆草堂田里從容應遜畔兒童笑舞亦

成行吾君至理型天下誰拾風謠綴樂章

宋樞密院事同平章事潁川四十五世孫堯叟

題

羣賢肄業文方盛孝友成家族更豪旌表異恩門第
舊史書新傳姓名高謀孫有穀榮非數待士無蔬畧
豈勞我想東佳終未到只應勝概屬仙曹

宋右僕射同平章事幽州朱其題

五百年來執爨同衣冠江右慕家風兒孫歌舞詩書
內鄉黨優游禮義中孝悌筠編爭紀錄門閭天語賜
褒崇六關頻笑方朱氏奕業蒸嘗奏始終

宋右僕射同平章事袁州曹州府張齊賢題

西齋輝赫亘山隅嘉致清風世莫如鄉黨名流依絳
帳煙蘿幽境似仙居趨庭子弟皆攀桂彈鋏賓朋徧
食魚漢簡傳經思鄒魯粉牌畱詠盡嚴徐杯盤互進
先生饌門巷應多長者車典籍豈惟精四部絃歌今
見習三餘玳簪珠履延髦士紺牒牙籤列賜書碧沼
暮涼浮藻荇紗窗秋淨漏蟾蜍閒庭瀟灑移泉石華
表崢嶸冠里閭我愧羈游臺閣裏下陪諸彥曳長裾

宋丞相臨川晏殊題 贈藩參彥卿陳公祖入

觀還任詩

匹江自古名藩翰送客之官事若何引越控荆輿地
遠承流宣化宦情多春風懷抱心猶在秋水精神鬢
未皤想到豫章城下泊耄倪相慶喜重過

明少保吏部尚書豐城黃宗載題

江右藩參一老成遠來覲闕復南行雁壺一醉看黃
甲螺蓋孤斟值白庚雨過西山藏樹影月明南浦雜
江聲道官好爲旬宣徧一到蒼生樂太平

翰林侍講星子余鼎題

幾年參佐鎮雄藩此日重沾雨露恩袖惹天香辭鳳
闕酒斟桑落別都門彩船風靜闌河遠畫省人稀鳥

雀喧白是編氓懷舊德清時方嶽重旬宣

都察院右副都御史南城鄧棨題

德星光燦照江南又向東門促去驂宣化薇垣仁政
洽拜辭楓陛寵恩覃閭公雅望清如許召伯棠陰翠
正酣畫省到時風景好浦雲山雨府潭潭

太子太保禮部尚書新淦金幼孜題

文采飄飄獨自揚又從霄漢沐恩光退朝但覺天顏
遠回首誰憐別思長山雨弄晴芳樹合汀花將吐曉
風香西方父老懸相望莫惜餘波及一方

華蓋殿大學士柱國少師兵部尚書楊士奇題

紫袍金帶舊藩臣。天上恩沾雨露新。正喜伊周同事業，幸逢堯舜吐經綸。爐煙靜對薇垣曙，玉燭頻調畫省春。濟世才名今在汝，莫忘宗黨福斯民。

南京右都御史寧都陳勉題

昭代覃恩眷老成。陳侯喜拜出楓宸。碧梧棲鳳鳴陽久，紫誥迴鸞沐寵新。好罄丹忠酬聖主，宜宣德化及斯民。春風二月都門別，無奈相思入夢頻。

貴州左布政使萬載易節題

昔年畫省辱相知。今復欣逢在帝畿。兩袖天香星北拱，一帆春色日南歸。風生粉署翻紅葉，月轉朱闌照

紫薇霖雨西江多潤澤台衡事業莫相違

山西右布政使上高王綱題

才華藉甚重儒林甲第何蕃歲月侵孝友家聲傳世
久寬和政令慰民深天邊杳杳王喬寫花外洋洋子
賤琴君到上林應自勉去思碑建抵千金

南京禮部侍郎東莞陳運題

路問衡陽入柳州若爲江上泛仙舟輕風滿袖三湘
客微雨生寒五嶺秋自是魯公多異政能知卓茂取
封侯有爲今古皆如此畱得芳名到漢牛

廣東布政司左參政蒼梧龔簾題

昭代郎官重老成，羨君出宰邁時英。
南雍夙學推淹貫，北闕新除荷寵榮。
此際羣黎蒙聖澤，佇看百里著芳聲。
他年秩滿朝天去，共擬調元贊太平。

湖廣按察司副使劉淵題

百里郎官應列星，銅章新綰最光榮。
河陽桃李誇潘岳，言偃絃歌化武城。
夜月孤村無犬吠，春風郊野有農耕。
平生學問牛刀試，善政清風在此行。

禮部儀制司郎中遂溪吳正直題

使君旌節下浮光，便覺陽春布大荒。
膏澤敷施圖政治，瘡痍振起仗全康。
姓名早已馳丹閣，聲譽今看遶

帝鄉小試牛刀權借寇令人百世詠甘棠

工部尙書治生貞庵曹亨題

製錦才華頓異常浮光久仰德循良福星一路敷南
土霖雨三篙灑蔡鄉訟息簾隨庚日永政清琴叶午
風涼甘棠此去無窮想還展經綸到玉堂

山西稷山縣知縣治生杜萬斛題

鶯花三月駐燕臺話別尋芳策馬來帆促俎筵歸洛
浦詩憑短笛落江梅百年事業雲迎渡十載琴書日
照桅極目風煙無限意高山流水自徘徊

戶部左侍郎治生吳皋喻時題

岐路睽人得倚樓，翁來何迅轉輕舟。
晴川芳草迷征路，嶺表梅花憶舊侯。
細郭風聲迎竹馬，太邱心事証盟鷗。
何年聚首秋江上，把盞慇懃說勝遊。

上東按察司按察使治心謝孟金題

銀河夜靜客星明，尊酒長亭送客行。
把袂同分蘇李羨，論交敢負范張盟。
君今挾策時千里，我亦相思日幾程。
他日蒼生霖雨足，肯將餘樂付東耕。

廣東廉州府推官古岡郭岳題

貴境何年幻此洲，孤踪若謂使君留。
渚蘭自別紅塵味，汀芷爭芳白露秋。
鎮定巨方唯僅見，盤旋波浪獨

專休箇中該載知多少碧草黃花作盛游

廣西南寧府知府陳邦治題

千古高名仰大邱吾家真派自源頭蓬瀛縹緲明如
練雲水漣漪翠欲流春漲亭臺高麓渚雨餘花草豔
江樓幽懷未許多乘興甲第於君取次收

山西按察司副使陳柏題

將進鄔筒萬里觴那堪把袂別江鄉風清官舍吳鉤
冷月照行舟楚玉光擊楫聲華推士雅彈冠意喜洽
王楊黃金早試燕臺駿竝聽佳音慰八行

四川新繁縣知縣江陵魏光祚題

橋酒難留錦水羈攔街竹馬滿花前纔驚飛寫來仙
尹忽憶攀轅借寇賢勲業鏡看青鬢壯文章繩有白
眉研春風得意先官柳頻囀鶯聲郢上傳

四川成都府灌縣知縣雲夢景四陽題

芳亭水遶古城東翠帶迢迢在眼中散彩嬋娟輝夜
月沾衣時雨潤泥封傳經幸際陳朱侶望道須追孔
孟蹤萬里雲衢天闕近行看佩玉色怱怱

陝西道御史漢水朱寵題

秋風八月桂花開有客輕車指上臺千里鳴騶驚鸛
鵲一經濟世佐鹽梅蒼童白叟頻瞻斗繡服花廳喜

聽雷愧我老殘獨抱切切佇看麟閣羨奇才

太常寺卿歷吏部四司夢鶴王秩題

河水滌迴漢上台主人雅抱出塵埃四時飽飫讀書
樂八月爭看拭劍才杏雨霏霏侵玉勒桃花灼灼照
金杯君家世德貽休遠准擬先聲破草萊

太僕寺卿巡按廣東龍屏蔡結題

贏得銀河一脈來茆齋結在白沙隈鷗喧煙渚笙簫
活雲鎖征帆畫幅開黃卷朱絃閒處債清風明月掌
中杯知君樂地應無限何日酣歌索笑梅

刑部尙書南昌敬吾魏時亮題

夾岸山光一派秋。維河水向大江流。春深日煖魚堪
化。風靜波平鷗自浮。日月變酬身擬蹟。乾坤浩蕩酒
爲儔。圖書圈裏從誰定。已許湖天夜共幽。

禮部左侍郎江夏明龍郭正域題

驅車千里走長安。兩地依依別袂難。同學少年棲綠
野。懷珍國士動奇觀。蒼茫煙樹鄉情闊。荏苒風塵客
夢殘。此去四川消息好。白麻光照大猷寒。

祭酒漢中蕭良有題

千里緘書問遠天。錦城花覆鄣笥妍。行春漫聽巴人
曲。佐政先調蜀國絃。莫厭卑棲依枳底。何妨薄領泳

松前才名自是清時儁爲報君平一宿懸

南京戶部員外郎甌山張緒題

舊譜詩文墓誌多皆腐爛揀其未闕者錄之